

# Kab Mob Ntsws Pneumococcal (Streptococcus pneumoniae)

(Pneumococcal Disease (Streptococcus pneumoniae))



Kab mob ntsws pneumococcal yog lub npe rau tej kev ua paug uas tsim muaj los ntawm tus kab mob *Streptococcus pneumoniae*. Cov paug kab mob ntsws pneumococcal yuav ua rau cov me nyuam, cov laus neeg thiab cov tib neeg uas nruab nrog cev tsis muaj zog yuav muaj mob hanyav heev taus. *Streptococcus pneumoniae* yog hom kev nquag ua cov paug rau qhov ntsej thiab cov ntshav ntawm cov me nyuam thiab ntsws txham dej rau cov tib neeg uas lub nruab nrog cev tsis muaj zog thiab cov laus neeg. Yeej muaj cov tshuaj txhaj pab tiv thaiv tus kab mob ntsws pneumococcal.

## Dab tsi yog qhov tsim ua rau muaj tus kab mob?



- ▶ Koj yuav kis tau tus kab mob ntsws pneumococcal los ntawm cov kua cev thaum tus tib neeg mob txham los sis hnoos.
- ▶ Tib neeg muaj tau tus kab mob nyob rau hauv lawv lub qa, qhov ntswg thiab qhov ncauj yeej tsis huam muaj mob hlo li.
- ▶ Tsis paub tias vim li cas qee cov tib neeg uas muaj tus kab mob ntsws pneumococcal muaj mob hos lwm cov ho tsis muaj.

## Cov kev cim qhia thiab mob tshwm sim yog dab tsi?



- ▶ Tus kab mob ntsws pneumococcal yog tau ntau hom kev muaj mob. Cov kev mob tshwm sim yog nyob ntawm seb ua paug rau qhov chaw twg hauv lub cev.
- ▶ Cov kev mob tshwm sim ntawm **tus kab mob pneumococcal pneumonia**, uas yog ua paug rau lub ntsws, muaj xws li:
  - ▶ Ua npaws los sis ua daus no
  - ▶ Hnoos
  - ▶ Ua pa ceev los sis ua pa nyuab
  - ▶ Mob hauv siab
- ▶ Cov kev mob tshwm sim ntawm pneumococcal **meningitis**, uas yog kev ua paug rau daim npluag npog lub hlwb thiab tus pob txha caj qaum, muaj xws li:
  - ▶ Caj dab txhav
  - ▶ Kub ib ce ua npaws
  - ▶ Mob taub hau
  - ▶ Qhov muag ntsia tsis tau tej ci
  - ▶ Xav tsis tawm

## Ntsuam xyuas thiab kho nws li cas?



- ▶ Yog tias tus kws kho mob xav tias koj yeej muaj tus kab mob ntsws pneumococcal hanyav, xws li meningitis los sis cov kev ua paug rau cov ntshav, lawv yuav nqus ib qho kua hlwb pob txha caj qaum los sis ntshav los ntsuas. Qhov kua hlwb pob txha caj qaum yog cov kua teev ncig lub hlwb thiab tus txha caj qaum.
- ▶ Cov kws kho mob yuav siv qhov kev ntsuas ntshav, kev xoo duab fais fab x-ray los sis kua hnoos qeev los pab ntsuam xyuas txog tus kab mob pneumococcal pneumonia ntawm cov neeg laus.
- ▶ Tus kws kho mob sau tau cov tshuaj tiv thaiv kab mob los pab kho cov kev muaj mob hanyav uas tsim muaj los ntawm tus kab mob ntsws pneumococcal.

## Yuav tiv thaiv tau nws li cas?



- ▶ Cov tshuaj tiv thaiv kab mob yog txoj kev tiv thaiv tau zoo tshaj plaws tus kab mob ntsws pneumococcal.
- ▶ Cov kev ntxuav tu cev zoo thiab kev nquag ntxuav tes yuav pab tiv thaiv kev tau txoj kev sib kis tus kab mob.
- ▶ Nws puav leej tseem ceeb yuav tau txhaj koob tshuaj tiv thaiv flu txhua lub xyoo vim tias yog tau muaj cov kab mob flu lawm ces yuav muaj feem muaj taus tus kab mob ntsws pneumococcal.

